

V CONCURSO DE HUMOR GRÁFICO "DIEGO PEÑA CARRO"

Benquerido/a Director/a:

O CPR Plurilingüe Esclavas do Sagrado Corazón de Xesús organiza este concurso en memoria do noso alumno Diego Peña. Este ano é de especial importancia para nós, pois ademais de recuperar certa normalidade, chegamos á súa quinta edición.

A iniciativa, que xorde como parte dos festexos do Día das Letras Galegas que organiza o Equipo de Dinamización da Lingua Galega, pretende achegar a rapazada ao mundo da banda deseñada, a través da súa expresión máis curta: o humor gráfico.

Como nas edicións anteriores, contaremos cun xurado formado por profesorado do noso centro, escritores e debuxantes. Este ano, Miguel López (Hematocrítico) e Santy Gutiérrez, ilustrador e debuxante.

Estariamos encantados de contar coa participación do voso centro nun certame que agardamos vaia cumprindo anos nunha situación cada vez mellor.

INFORMACIÓN DO CONCURSO

PARTICIPANTES:

Alumnado de 5º de Primaria a 4º da ESO que curse os seus estudos nalgún centro de Galicia.

CALENDARIO:

- RECOLLIDA DE TRABALLOS - **Do 9 ao 13 de maio.**
- ANUNCIO DOS E DAS PREMIADAS- **18 de maio, a través das RRSS do centro e chamada telefónica aos centros con alumnado gañador.**

BASES:

-Os traballos fanse chegar ao noso centro por correo electrónico. Se os traballos están feitos en papel, enviarase fotografía de cada un.

O profesorado enviará os traballos do alumnado participante ao correo electrónico humorgrafico@colegioesclavas.org indicando nome do/da participante, curso e centro escolar.

-A entrega dos traballos será do 9 ao 13 de maio ambos inclusive. Non se aceptará ningún correo despois do día 13.

-Os traballos presentados deberán ser orixinais na súa totalidade. A copia total ou parcial doutra creación será rexeitada do concurso.

-Poderán presentar traballos individuais ou en parella (ilustrador e escritor) os alumnos matriculados no curso 2021/22 en 5º e 6º de primaria e a ESO de calquera centro publico ou privado da nosa comunidade.

-A extensión dos traballos será de entre unha e catro viñetas. Non se aceptarán traballos con outra extensión.

-As viñetas poden presentarse en branco e negro ou en cor e utilizando calquera técnica manual ou dixital.

-Os traballos terán que estar escritos en lingua galega, axustándose á normativa vixente na RAG. De non cumprirse este punto, os traballos serán rexeitados.

- A temática deste ano é "Abráiate!": lema deste curso no centro organizador. Fai referencia ao valor da gratitude-gratuidade :

"O abraio que produce en nós a contemplación e a escoita fonda de todo o creado, un abraio que nos leva a coñecer a realidade dun novo xeito (recoñecer) suscitando en nós o agradecemento polo que cada cousa é e o desexo de coidado de todo o que nos arrodea."

- Coa participación no concurso acéptanse expresamente a cesión de dereitos de imaxe, reprodución e distribución das creacións ao Colexio Esclavas da Coruña. Este poderá utilizar os traballos presentados, ou parte destes, con fins educativos, divulgativos e promocionais na súa páxina web, facebook,...

-O xurado, para as súas valoracións terá en conta os seguintes **criterios**:

- calidade artística dos debuxos.
- axeitado emprego da lingua galega.
- que a historia respecte, ou incluso fomenta: valores democráticos, de xustiza, liberdade, igualdade...
- temática relacionada co lema anual do colexio organizador.



FUNDACIÓN
EDUCATIVA

CPR PLURILINGÜE ESCLAVAS DEL SAGRADO CORAZÓN

**V CONCURSO
"DIEGO PEÑA
CARRO"**

PREMIOS:

Haberá dúas categorías, con dous premiados en cada unha delas:

-5º, 6º de EP e 1º da ESO

-2º, 3º e 4º da ESO

DÚBIDAS:

Por correo electrónico a: martadominguez@colegioesclavas.org

Animádevos a participar e grazas pola vosa atención.